

同公公婆婆食飯 文化介紹

[1] 中文同英文都係香港嘅法定語文，香港本地學校會教「兩文三語」，「兩文」就係書寫嘅中文同埋英文，「三語」就係口語嘅英文，廣東話同埋普通話。

[2] 香港有好多學生去外國讀書，最多人去係英國、美國、加拿大同埋澳洲，暑假嘅時候，好多學生會返香港，所以，大家都要提早預訂機票。

[3] 由美國坐飛機返香港，最快都要飛十四、十五個鐘頭，喺西岸就更加耐，要轉機嘅話，差不多要飛二十個鐘頭，所以，落機時會好劫。

[4] 「公公」係媽媽嘅爸爸，但係爸爸嘅爸爸，就叫「爺爺」，「婆婆」就係媽媽嘅媽媽，但係爸爸嘅媽媽，就叫「嫲嫲」。不過，「公公婆婆」又可以用嚟叫一啲我哋唔識嘅老人家。

[5] 香港人平時喺屋企食飯，我哋會叫做「家常便飯」，簡簡單單，唔會整好多餸，但係喺節日嘅時候，同埋請朋友食飯嘅時候，就會整多啲餸，食一啲比較貴嘅嘢。

[6] 香港可以講係美食天堂，乜嘢都有得食，除咗世界各地嘅嘢菜式，香港有好多本土美食，好似叉燒、燒鵝、雲吞麵同埋點心，好多外國人都鐘意。

[7] 喺中國傳統，一家人好重視一齊食飯，特別喺係節日嘅時候，好似中秋節同埋新年，老人家更加希望能夠同仔子女女，孫仔孫女一齊食飯。

[8] 比自己年紀大嘅男士，廣東話有唔同叫法，比自己大小小嘅，會叫「哥哥」，再大一啲嘅，就叫「叔叔」，老人家就叫「伯伯」，再老啲，就叫「公公」。

[9] 媽媽嘅細佬係舅父，媽媽嘅哥哥都係舅父，所以，好多時，我哋叫媽媽嘅細佬做「舅父仔」，爸爸嘅細佬係叔叔，但係爸爸嘅哥哥係伯父。

[10] 中國人對於家庭成員嘅叫法，的確好複雜，南方地區同北方地區都有唔同嘅叫法，依家喺香港，好多人索性跟西方人一樣，男嘅就叫 Uncle，女嘅就叫Auntie。

Author: P C Chan